

王

海

玉海卷第一百二十一

浚儀王應麟伯厚

官制

臺省

漢書舊名禁中避元后諱改名省中師古曰省察也言又此
中者皆當察視不可妄也 說文臺觀四方而高者也

歷代三省

三省屬官

門下省

門下省後漢謂之侍中寺熹平六年晉志

曰給事黃門侍郎中俱管門下衆務或謂門下省

唐龍朔二年改門下省為東臺咸亨初復舊武后光

宅初改為鸞臺開元元年改為黃門省至五年復舊

侍中晉志曰侍中案黃帝時風后為侍中於周為

常伯之任應劭曰侍中周官也秦為侍中本丞相史也漢為加

官秦漢無冠武弁大冠亦曰惠加金璫附蟬為文貂

尾為飾漢谷永對曰昔龍笄納言而帝命惟允四輔

戴金貂之飾執常伯之職者皆使學魏晉選用稍增

先王之遺道知君臣之義群寮仰法也華重後周初有御伯中大夫二人掌出入侍從保定

四年改為納言斯侍中之職也唐初為納言武德四

年改為侍中龍朔二年改為左相光宅元年改為納

言開元元年又改黃門監五年復為侍中天寶元年

改爲左相至德初復爲侍中按令文掌侍從獻替贊

相禮儀審覆奏抄駁正違失監起居注總判省事晉任

愷魏舒山濤嵇紹王坦之唐劉洎王珪魏徵門下侍

郎秦有黃門侍郎漢因之凡禁門黃闥故號黃門其

官給事於黃門之內故曰黃門侍郎魏晉以來並爲

侍衛之官唐龍朔二年改黃門侍郎爲東臺侍郎光

宅初改鸞臺侍郎神龍初復舊天寶元年改爲門下

侍郎員二人掌侍從駁正違失通判省事黃門侍郎魏杜恕任

張華給事中加官也秦置漢因之所加或大夫

博士議郎掌顧周應對東京省魏復置晉無常員任

袁隋初無至開皇六年始置吏部給事郎煬帝乃移

吏部給事郎為門下之職員四人以省讀奏案唐武

德三年改為給事中龍朔二年改為東臺舍人咸亨

元年復舊前代雖有給事中之名非今任也今之給

事中蓋因其名用隋之職散騎常侍秦置漢因之

並加官魏文帝用孟達為之魏蔣濟衛臻高堂隆何晏晉鄭默阮孚華嶠傅

玄王珣諫議大夫秦置掌議論無常員二漢並屬

光祿勳後周地官府有保氏規諫天子蓋此其任也

隋亦曰諫議大夫置七人屬門下省煬帝廢之唐武

德五年復置屬門下省凡四人掌侍從規諷起居

郎舍人周官有左右史記其言事蓋今起居之本漢
武有禁中起居注後漢馬皇后撰明帝起居注則
漢起居似在禁中為女史之任自魏至晉起居注則
著作掌之北齊有起居省後周有內史掌書王言及
動作之事以為國志隋以納言統之至煬帝以為古
有內史今著作如外史矣宜置起居官以掌其內乃
於內史置起居舍人二員唐貞觀二年省於門下省
置起居郎二人顯慶中復置遂與起居郎分掌左右
龍朔三年改為左右史神龍初復舊每皇帝御殿則
對立於殿有命則臨軒俯聽退而書之以為起居注

史館得之以撰述焉

中書省中書之官舊矣謂之中書省自魏晉始焉梁
陳時凡國之政事並由中書省後魏謂之西臺隋初
改為內史省唐武德三年復中書省龍朔二年改為
西臺光宅元年改為鳳閣神龍初復舊開元元年改
為紫微省五年復舊中書令舜攝位命龍作納言
出入帝命周官內史掌王之八柄爵祿廢置生殺與
奪執國法及國令之貳以考政事蓋今中書之任其
所置中書之名因漢武游宴後庭始宦者典事尚書
謂之中書謁者置令僕射元帝時恭顯秉勢用事蓋

望之以為中書政本宜以賢明充選更置士人自武

帝改用宦者掌出入奏事非舊制也成帝建始四年

改中謁者令更以士人為之皆屬少府魏文帝黃初

初改為中書令又置監魏黃初初改秘書為中書以劉放為監孫資為令掌機密

及明帝時中書監令號為專任其權重矣晉因之張華

為監裴楷為令和嶠為令荀勗為監王猷之洽溫嶠為令王沈張華華表顧榮庾亮王濛劉琨王濟為郎

自魏晉以來中書監令掌贊詔命記會時事典作文

書以其地在樞近多承寵任是以人固其位謂之鳳

皇池焉唐武德初為內史令三年改為中書令龍朔

二年改為右相光宅二年又為內史神龍元年復舊

嘉靖癸丑年

開元元年改為紫微令五年復為中書令天寶元年

復為右相按令文學侍從獻替制敕冊命敷奏文表

監起居注總判省事 中書侍郎漢置中書領尚書

事有丞郎魏初中書既置監令又置通事郎掌詔章

後改為中書侍郎晉王基羊祜李重隋初為內史侍

郎唐初因之武德三年改為中書侍郎龍朔以後隨

省改號而侍郎之名不易負二人掌侍從獻替制敕

冊命敷奏文表通判省事 中書舍人魏置中書通

事舍人晉江左謂之通事舍人晉徐鏡宋鮑照

武冠絳服掌呈奏案章後省之而以侍郎一人直西

深也 於子野北齊魏收

省晉孝武以來常居內殿武官主書於中通呈以卽

侍郎兼其職而掌其詔命齊永平初置中書通事舍

人四員各任一省時謂之四戶權傾天下梁用人殊

重專簡才能不限資地後除通事直日中書舍人專

掌詔誥自是詔誥之任舍人專之隋內史舍人八員

專掌詔誥唐初為內史舍人武德三年改為中書舍

人置六員龍朔以後隨省改號而舍人之名不易專

掌詔誥侍從書勅宣旨勞問分判省事自永淳以來

天下文章道盛臺閣髦彥無不以文章達故中書舍

人為文士之極任朝廷之盛選

梁陳五人分掌二十一局事

尚書省昔堯試舜於大麓領錄天下似其任也周之

司會又其職焉漢成帝罷中書宦者置尚書五人然

其任猶輕至後漢則為優重

唐六典秦置尚書禁中有令丞掌通章奏而已

事皆決丞相府漢武宣後稍委任光武親總吏出納職天下事皆上尚書與人主參夾乃下三府

出納

王命敷奏萬機蓋政令之所由宣選舉之所由定罪

賞之所由正斯乃文昌之府眾務淵藪故李固去陛

下之有尚書猶天之有北斗斗為天喉舌尚書亦為

陛下喉舌斗斟酌元氣運平四時尚書出納王命賦

政四海令及左丞總領綱紀無所不統僕射及右丞

分領錢穀二漢皆屬少府

詳見少府屬官

自魏晉重中書之

官尚書之職日以踈遠至梁陳舉國機要悉在中書
獻納之任又歸門下尚書但聽命受事而已後周無
隋唐皆有制畧同凡尚書省事無不總龍朔二年改
爲尚書省爲中臺光宅初改爲文昌臺垂拱元年又
改爲都臺長安三年又改爲中臺神龍初復爲尚書
省都堂居中左右分司都堂之東有吏部戶部禮部
三行每行四司左司統之都堂之西有兵部刑部工
部三行每行四司右司統之凡二十四司分曹共理
而天下之事盡矣 尚書令商制有冢宰爲天官六
卿總屬焉秦置尚書漢因之後漢衆務悉歸尚書三

公但受成而已尚書令主總領綱紀事無不統與司

隸中丞朝會專席而坐號曰三獨坐魏晉以下任總

機衡事無大小咸歸令僕令晉樂廣王戎裴秀晉勗

石王述蜀蔣璇費禕左丞漢黃香楊喬晉右丞漢楊喬晉傳咸隋亦總

領衆務唐武德初太宗為秦王時嘗為之其後人臣

莫敢當故自龍朔二年二月制廢尚書令舊尚書令

謂之中今僕射秦官漢因之成帝初置尚書五人有大廳當

以一人為僕射後漢尚書僕射一人書尚書事經魏

至晉省置無常隋開皇三年詔左右僕射從二品左

掌判吏部兵部禮部三尚書右掌判都官度支工部

三尚書唐左右僕射因前代本副尚書令自令廢二僕射則為宰相武后改二僕射為文昌左右相神龍初復舊開元元年改為左右丞相天寶元年復唐

六典後漢以令僕射六曹尚書為八座魏氏省為五

曹則僕射有二若僕射省一則尚書有六今以二丞

相六尚書為八座後漢尚書稱臺魏晉已來為省唐貞觀十年治書侍御史劉洎言

尚書萬機本八座比於文昌二丞方於管轄爰至曹郎上應列宿中書令張說擇丞轄以王丘左齊

右唐左僕射裴寂房玄齡右僕射裴寂蕭瑀杜如晦

廉張左丞戴胄王丘韋弘景仁右丞魏徵宇文節齊

行成劉洎約席豫顏真卿崔從右丞漸韋温思謙杜

庾承宣

康熙二十六年刊

西漢中書之權重東漢尚書之權重至魏中書重尚書漸輕 政歸尚書漢事也歸中書魏事也元魏時歸門下世謂侍中黃門為小宰相後世相承並號三省 隋大業三年四月壬辰以中書省與尚書門下內史祕書為五省增謁者司隸臺與御史為三臺分太府寺置少府監與長秋國子將作都水為五監 唐代宗以前中書在上憲宗以後門下在上 楊收曰漢制總群官而聽曰省分務而專治曰寺

漢御史臺 一臺 一臺 蘭臺

令史

五書

隋蓋察御史

古者有御史之名見於周官中士下士爲之特小國

傳命令者

掌贊書授法令

至戰國其職益親故獻書多云獻

書於大王御史澠池之會

秦趙

各命御史書事淳于髡

曰御史在前執法在後

皆記事之職

至秦人主自親事以

操制臣下侍御僕從其執益重而御史大夫遂與丞

相分權矣

通典云秦漢爲糾察之任

表御史有兩丞一曰中丞在殿中蘭臺掌圖籍祕書

外督部刺史內領侍御史十五人受公卿奏事舉劾

按章元壽二年更名御史長史

續志中丞一人御

史大夫之丞也舊別監御史在殿中察舉非法及大

夫轉為司空因別留中為御史臺率後又屬少府注

蔡質漢儀中丞故二千石為之或選侍御史高第執

憲中司朝會獨坐內掌蘭臺督諸州刺史糾察百僚

出為二千石 高紀十一年二月詔御史中執法下

郡守注 晉灼曰中丞也 陳咸傳為中丞總領州郡

奏事課第諸刺史內執法殿中 薛宣傳數舉奏部

刺史郡國二千石執憲轂下不吐剛茹柔 趙后傳

詔記盛綠綈方底封御史中丞印 于定國傳中丞

從事 周禮注小宰若今御史中丞 漢舊儀中丞

督司隸 後傳宣秉建武元年拜中丞特詔與司隸